



partii naleraq

UKA2015/28

11. november 2015

Uunga siunnersuut: Imartami sillimaniarnerup, umiarsuarnik nalunaarsuinerup, inatsiseqarnerup il.il. tamakkiisumik oqartussaaffigineqalersinnaaneri pillugit Naalakkersuisut UKA2016-mi nassuiaammik saqqummiussinissamik peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Nikolaj Jeremiassen, Siumut)

Partii Naleqqamiit una Nikolaj Jeremiassen, Siumumeersup siunnersuutaa soqutiginartoq imatut oqaaseqarfigissavarput.

Inuiaavugut imaanik inuuniuteqartut, ukiuni tusintilikkaani imaani angalaartuuvugut, imaanilu inuussutissarsiortuulluta, taamaattumik nakkutilliinerup nunatsinnut nuunneqarnissaa taamaattussaannartut isigisariaqarluni, inuiaat allat sualummik issittormiuunngitsut pissutsit nalullugit qulaatiinnarluta aalajangersaanageratigut immitsinnut artukkeqattaaginnassuugut, kingunerisarpaalu naleqqussarniaraluartilluta iluatsinngitsutut misillertaratta, uffa killormut sinaakkusiorsuinissaq uagut pinngortitatsinnut uagutsinnullumi naleqqussartusaaq.

”Naalagaaffeqatigiinnerup” iluani una timitalerlugu iliuuseqarfigineqareernikuuvoq, tassami Savaliummiuni ukiorpaalunngulertuni akisussaaffik tigullugu ingerlanneqalernikummat iluatsilluartumik. Piffissap kingulliup iluani partiit tamattaagunartoq nassuiaaffigineqarnikuuvoq qanoq pisariunngitsigisumik aammalu allaat aningaasatigut iluanaarfiusumik aaqqiisoqarsinnaanerani. Taamaattumik Partii Naleqqap pingaartilluinnagaata, tassalu misilittakkat qaammaasallu nunatsinni annertusiartortinnissaanut naapertuuttorjuummata una siunnersuut tamakkiisumik taperserparput.

Tassungalu atatillugu Naalakkersuisut piumaffigissavagut Savaliummiuni iluatsilluartumik iliuuserineqartoq uagutsinnut nuna inukittunut naleqquttumik aaqqiisimaneq qissimagaqqullugu. Tassami imarsiornermik nakkutilliisoqarfik kisiat pinnagu aammali inuussutissarsiornermik suliffeqarfinnullu nakkutilliisoqarfik ukiorpaalunngulersuni ataatsikkoortillugit ingerlannikuuat qulit ataallugit sulisulerlugu.

Taamaasiortoqarsinnanginneranik suliluunniit suliaq aallartinngitsoq oqartarnek tassunga killeqartariaqarpoq. Akisussaaffinngooq nunatsinnut angerlartinniaaraanni ima imatullu akisutigisussaammat ajornarpumik isummertinniarneqartarnek, qularsaarinersuaq unitsinniarli, illuanik saperata isumaqalerniarta, piumassuseqaratta immitsinnullu tatigingatta.

Taamaattumik aammaarluta una siunnersuut tamakkiisumik taperserlugu, Sanaartornermi angallannermullu ataatsimiititaliamut aappassaaneerneqannginnermini sukumiisumik suliarineqanissaa innersuussutigaarput.

Qujanaq